

Tanda aras cemerlang

HARIAN METRO (SETEMPAH) 11/8/2015 m/s 34

■ iCGPA untuk nilai penuntut bermula September ini

Oleh Fakhrurrazi Usuldin
am@hmetro.com.my

Putrajaya

Lima Universiti Awam (UA) dipilih untuk melaksanakan sistem dikenali sebagai Purata Nilai Gred Kumulatif Bersepadu (iCGPA) bermula September depan.

Menteri Pendidikan Tinggi Datuk Seri Idris Jusoh berkata, UA itu ialah Universiti Kebangsaan Malaysia (UKM), Universiti Teknologi MARA (UiTM), Universiti Malaysia Terengganu (UMT), Universiti Malaysia Kelantan (UMK) dan Universiti Malaysia Pahang (UMP).

"Sebagai permulaan, hanya satu fakulti dari setiap universiti terpilih saja yang mula menggunakan sistem iCGPA mulai sesi semester



IDRIS

September ini.

"Ia membatikan 300 penuntut baru," katanya pada sidang media selepas menghadiri majlis ramah mesra Aidilfitri di pekarangan Kementerian Pengajian Tinggi, semalam.

Idris berkata, iCGPA ini membatikan penilaian kecermerlangan akademik, sahsiah, kokurikulum dan sosial penuntut.

"Keputusan daripada sistem ICGPA dapat membantu majikan mendapatkan maklumat menyeluruh berkaitan akademik, kokurikulum dan nilai diri penuntut berkenaan sebaik menamatkan pengajian kelak.

"Ia juga selaras dengan Pelan Pembangunan Pendi-

Info

Kaedah baru nilai penuntut.

iCGPA ialah satu kaedah baru untuk menilai penuntut. Kaedah baru ini bukan saja mengukur pengetahuan dan kemahiran berfikir (seperti sistem yang diamalkan sekarang), tetapi kompetensi berdasarkan nilai utama seperti etika dan kerohanian, kemahiran kepemimpinan, identiti nasional dan kemahiran berbahasa

dan pembukaan ruang supaya graduan mempunyai nilai dan kemahiran keusahawanan. iCGPA akan digunakan untuk memantau, membangun dan memenuhi keperluan dalam diri penuntut. Penilaian melalui iCGPA akan dilaporkan dalam kad skor penentu menggunakan kaedah 'Spider Web'.

dikan Malaysia (Pendidikan Tinggi)-PPPM (PT) 2015-2025 yang mahu melahirkan graduan bersifat holistik, berkemahiran serta mempunyai nilai diri tinggi," katanya.

Sementara itu, Pengarah Bahagian Pengurusan Pembangunan Akademik Kementerian Pengajian Tinggi Prof Madya Jaafar Jantan

berkata, terdapat sembilan karakter yang ditetapkan dalam sistem iCGPA itu.

"Antaranya kefahaman pengetahuan, kemahiran akademik, pemikiran kritis dan sistematik, kemahiran komunikasi, kemahiran bersosial dan kerja berkumpulan, etika dan moral, pengurusan, keusahawanan dan kepemimpinan," katanya.